



Atvinnu- og nýsköpunarráðuneytið  
b.t. sjávarútvegs- og landbúnaðarráðherra  
Skúlagötu 4  
150 Reykjavík

Stykkishólmi, 18. september 2020  
nr. erindis 2005020

Á 618. fundi bæjarráðs Stykkishólmsbæjar, 17. september 2020, var tekið fyrir neðangreint erindi, sem áður hafði hlotið umfjöllun í atvinnu- og nýsköpunarnefnd Stykkishólmsbæjar.

**Frumvarp til laga um breytingu á lögum um stjórn fiskveiða o.fl.  
(veiðistjórn grásleppu o.fl.))**

Fyrir atvinnu- og nýsköpunarnefnd er lögð fram drög að breytingu á lögum um veiðar í fiskveiðilandhelgi Íslands og lögum um stjórn fiskveiða (veiðistjórn grásleppu o.fl.).

Í drögunum er m.a. lagt til að ráðherra sé með reglugerð heimilt, að ákveða staðbundin veiðisvæði við grásleppuveiðar, þannig að aðeins geti þar stundað veiðar bátar sem skrádir séu frá byggðarlagi við hlutaðeigandi veiðisvæði og útgerð bátsins eigi þar heimilisfesti. Setja skal skipum aflahlutdeild í aflamarki og krókaflamarki í grásleppu. Þá er í drögunum gert ráð fyrir að aflahlutdeild einstakra skipa skuli ákveðin á grundvelli veiðireynslu sem fengin hefur verið á leyfi sem skráð er á skipið. Við mat á veiðireynslu skal miða við þrjú bestu veiðitímabil viðkomandi skips frá og með árinu 2013 til og með árinu 2018. Þau skip ein eiga kost á að fá úthlutað aflahlutdeild sem höfðu rétt til leyfis til grásleppuveiða.

Í drögunum er lagt til að samanlögð aflahlutdeild fiskiskipa í eigu einstakra aðila, einstaklinga eða lögaðila, eða í eigu tengdra aðila, megi aldrei nema hærra hlutfalli af heildaraflahlutdeild í grásleppu en 2%.

Einnig er lögð fram ályktun SSV um endurskoðun á fyrrkomulagi hrognkelsaveiða.

**Bókun/ályktun 4. fundar atvinnu- og nýsköpunarnefndar Stykkishólmsbæjar:**

*Atvinnu- og nýsköpunarnefnd fagnar því ákvæði í drögum að breytingu á lögum um fiskveiðar þar sem lagt er til að ráðherra geti með reglugerð ákveðið staðbundin veiðisvæði við grásleppuveiðar, þannig að aðeins geti þar stundað veiðar bátar sem skrádir séu frá byggðarlagi við hlutaðeigandi veiðisvæði og útgerð bátsins eigi þar heimilisfesti.*

*Nefndin fagnar einnig því ákvæði í fyrrnefndum drögum þar sem kveðið er á um að setja skuli skipum aflahlutdeild í aflamarki og krókaflamarki í grásleppu á grundvelli veiðireynslu.*



Pá fagnar nefndin að i drögunum er lagt til að samanlögð aflahlutdeild fiskiskipa í eigu einstakra aðila, einstaklinga eða lögaðila, eða í eigu tengdra aðila, megi aldrei nema hærra hlutfalli af heildaraflahlutdeild í grásleppu en 2%.

Loks fagnar nefndin ályktun SSV um endurskoðun á fyrirkomulagi hrognkelsaveiða.

**Bókun/umsögn/ályktun 618. fundar bæjarráðs Stykkishólmsbæjar:**  
Bæjarráð tekur undir ályktun atvinnu- og nýsköpunarnefndar.

Tekur bæjarráð jafnframt undir ályktun SSV um endurskoðun á fyrirkomulagi hrognkelsveiða þar sem stjórn samtaka sveitarfélaga á Vesturlandi hvetur Alþingi til þess að taka til umfjöllunar breytingar á fyrirkomulagi hrognkelsaveiða, enda skapi núverandi fyrirkomulag sjómönnum og vinnslum erfið rekstrarskilyrði og skekkir samkeppnisstöðu. Nauðsynlegt sé að skapa greininni stöðuleika og fyrirsjáanleika sem er grunnþáttur í öllum rekstri.

Þetta tilkynnist hér með.

Virðingarfyllst,

Jakob Björgvin Jakobsson,  
bæjarstjóri



## **Ályktun samtaka sveitarfélaga á Vesturlandi um fyrirkomulag hrognkelsaveiða**

Stjórn samtaka sveitarfélaga á Vesturlandi hvetur Alþingi til þess að taka til umfjöllunar breytingar á fyrirkomulagi hrognkelsaveiða. Nauðsynlegt er að nýtt fyrirkomulag taki gildi fyrir upphaf næsta veiðiárs.

Sveitarfélög á Vesturlandi hafa ítrekað ályktað um nauðsyn þess að núverandi fyrirkomulag hrognkelsaveiða verði endurskoðað, en það sýndi sig s.l. vor að núverandi fyrirkomulag er með öllu óboðlegt. Þar kom glöggt í ljós að núverandi fyrirkomulag skapar sjómönnum og vinnslum erfið rekstrarskilyrði og skekkir samkeppnisstöðu. Nauðsynlegt sé að skapa greininni stöðuleika og fyrirsjáanleika sem er grunnþáttur í öllum rekstri.

Því er afar brýnt að Alþingi taki hið fyrsta til umfjöllunar breytingar á fyrirkomulagi um hrognkelsaveiðar til þess að bæta rekstrarumhverfi sjómanna og vinnsla með langtíma hagsmuni greinarinnar að leiðarljósi.